

ZAPISNIK SA 28. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK, 20.04.2022. GODINE

Prisutni: Damir Smital; Neda Tadić; Džemal Kahrica; Elvis Čengić; Edis Fočo; Samir Gadžo; Josip Sogović; Ekrem Agić; Merima Kurtović-Pašalić; Mustafa Baručija; Nihad Arnautović; Mubera Herac; Mensud Grbo; Sadin Kavazović; Dragan Miljević

Odsutni: Omer Bukić; Rifat Kukić—opravdano

Dnevni red:

1. Zapisnici sa 27. redovne i 14,15 i 16 vanredne sjednice
2. Skupština
3. Finansije
 - Izvještaj blagajnika (D. Karšić)
 - Adriatic
4. Pomoć
5. Aktuelna situacija u BHRT-u
6. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 28. sjednicu UO SSR u BHRT-u. Dnevni red je jednoglasno usvojen uz dodatak D.Smitala da se Aktuelna situacija stavi pod tačku 5, a skupština pod tačku 2. i prijedlog zaključka je da se sjednica završi do 12 sati zbog organizacije Skupštine sindikata. Ovaj prijedlog D.Smitala je jednoglasno usvojen. Zapisnici sa 27. redovne i 14,15 i 16 vanredne sjednice su usvojeni sa 14 za i 1 suzdržan.

D. Smital je zamolio izvršnog sekretara da pripremi preostale zapisnike za potpisivanje, obzirom da će na skupštini biti izabran novi predsjednik.

AD 2. S.Gadžo je izvjestio UO da je sve spremno i urađeno kada su u pitanju tehničke pripreme za realizaciju Skupštine. UO Sindikata je jednoglasno usvojio Odluku o utrošku sredstava za organizaciju 7. Skupštine SSR u BHRT-u. Odlukom se utvrđuje naknada za dolazak, prevoz i noćenje za delegate koji nisu iz Sarajeva u ukupnom neto iznosu od 979,00 KM, odnosno u ukupnom bruto iznosu od 1218,89 KM. S obzirom da je delegat Sandi Vejzović nakon uplate sredstava, javio da ne može biti prisutan na Skupštini, dužan je uplatiti povrat neto sredstava u iznosu od 126,00 KM u blagajnu sindikata.

Utvrdjuje se naknada za obavljanje poslova obezbjeđenja skupštine u ukupnom neto iznosu od 50 KM, odnosno u ukupnom bruto iznosu od 59,29 KM. Za osobe koje su zadužene za organizaciju Skupštine odobrava se iznos reprezentacije do iznosa od 50 KM. Troškovi će se pravdati računom.

D.Smital je napomenuo Verifikacionoj komisiji da dodatni materijal podjele svim delegatima prilikom verifikacije na samom ulazu u salu skupštine.

AD 3. Blagajnički izvještaj D.Karšić za mart 2022. godine je primljen k znanju kao i izvještaj M.Herac o poslovanju sa Adriatic osiguranjem za mart 2022. godine.

UO sindikata je jednoglasno usvojio zaključak da se obnovi ugovor o registraciji vozila za članove sindikata sa Adriatic osiguranjem.

AD 4. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec april 2022. godine dobiju slijedeći članovi: Mirvić Sanela 400,00 KM, Halimović Svjetlan 250 KM. Ukupno 650,00 KM.

Prijedlog odluke komisije je jednoglasno usvojen.

AD 5. N.Tadić je izvjestila UO da je u četvrtak 14.04.2022.godine održan sastanak sa delegacijom EK u BiH koji je bio jako konstruktivan. Prema riječima N.Tadić zvaničnici EK u našoj zemlji su se već aktivirali i uključili u rješavanje problema BHRT-a i izuzetno su zainteresirani da Javni servis opstane i da tu nema dileme, s tim što oni ne mogu predlagati inicijative ali mogu kako su rekli „pogurati” sve inicijative koje su za rješavanje ovog problema. Formiran je tim od strane EK za rješavanje problema BHRT-a, a ono što se može uraditi je da se angažuje neovisna kuća kako bi se uradila dubinska analiza stanja na BHRT-u od finansija pa do kadrovske politike. N.Tadić je istakla da je traženo da se po pitanju kadrovskih analiza, ako je moguće, konsultuje i sindikat a kako bi vidjeli koje su poteškoće u BHRT-u kada su uposlenici u pitanju.

U petak, 15.04.2022. godine predsjedavajući Kluba zastupnika Naša stranka – Nezavisni blok u Zastupničkom domu Parlamentarne skupštine Bosne i Hercegovine Predrag Kojović i zastupnik u tom Klubu Damir Arnaut razgovarali su s predstavnicima Samostalnog sindikata radnika BHRT-a o položaju radnika Javnog RTV servisa BiH i mogućim rješenjima za finansijsku održivost ove državne medijske kuće. Predstavnici Samostalnog sindikata radnika BHRT-a upoznali su Kojovića i Arnauta s aktuelnom situacijom, finansijskim problemima izazvanim nepoštovanjem postojećih zakona i nezavidnim položajem zaposlenih u Javnom RTV servisu BiH. Opisali su i svoj prijedlog izmjena zakona, za koji su ocijenili da dugoročno rješava pitanje prikupljanja RTV takse i načina raspodjele prikupljenih sredstava. Izrazili su i zabrinutost zbog odliva kvalitetnih kadrova s BHRT-a, što, kako su rekli, može imati uticaj na proizvodnju i kvalitet programa.

Tokom sastanka bilo je riječi i o drugim mogućim kratkoročnim i dugoročnim rješenjima pitanja statusa Javnog RTV servisa i problema zaposlenih radnika, o čemu su, kako je rečeno, predstavnici Samostalnog sindikata radnika BHRT-a razgovarali i s predstavnicima Delegacije Evropske unije (EU) u BiH. Naglasili su kako je pitanje trajnog rješavanja situacije na BHRT-u u vrhu prioriteta njihovog djelovanja. M.Kurtović-Pašalić je izvjestila UO sindikata da je dobila odgovor od Kolegija Doma naroda za održavanje sastanka sa sindikatom. B.Izetbegović je u odgovoru istakao da nema ništa protiv održavanja sastanka ukoliko predsjedavajući Doma naroda D.Čović sazove isti i da on lično podržava BHRT.

U petak, 15.04.2022. godine održan je i sastanak sa generalnim direktorom i pomoćnicom za razvoj na kojem su prisustvovali Dž.Kahrica, N.Tadić i M.Kurtović-Pašalić. Dž.Kahrica je izvjestio da je na sastanku tražena od menadžmenta informacija šta je sa isplata potraživanja prema radnicima. Do 25.04. se očekuje uplata sredstava od RTV takse i kako je menadžment izvjestio sindikat tada se očekuje i isplata plate za mart sa kreditima. Od 01 do 05. maja plan je da se isplati naknada za prijevoz za mjesec mart, dok se neće isplatiti naknada za mjesec april, ali će se isplatiti naknada za juli koja se inače ne isplaćuje. Preostala naknada za topli obrok koji se duguje radnicima će se riješiti čim bude dovoljno sredstava na računu. Kako su istakli iz menadžmenta, od narednog mjeseca bi trebala sve naknade za radnike isplaćivati redovno. UO sindikata je dostavio dopis u vezi razmišljanja menadžmenta o isplati minimalne plaće u kojem je sindikat izričito bio protiv. Na ovom sastanku nije bilo ni riječi o mogućem umanjenu plate radnika.

E.Čengić je upoznao UO sindikata da je SO BHRT-a u proteklih par dana objavila saopštenje za javnost u kojem se između ostalog spominje reprezentativnost sindikata. On lično podržava saopštenje SO BHRT-a do posljednje rečenice u kojoj se spominje i naš sindikat i reprezentativnost i mišljenja je i predlaže da se u narednom periodu objavi još jednom informacija ko je reprezentativan u RTV Domu i gdje je naš sindikat registrovan. Dž.Kahrica je istakao da ovo nije prvi put da se pokušava nametnuti ko je reprezentativan sindikat, a Zakon o radu u institucijama jasno kaže da je reprezentativan sindikat onaj koji broji više članova u sjedištu poslodavca. Dž.Kahrica podržava 100% prijedlog E.Čengića da se informišu članovi i radnici BHRT-a. Nakon kraće rasprave u kojoj su učestvovali D.Smita, N.Arnautović, M.Kurtović-Pašalić, jednoglasno je usvojen zaključak da se nakon Skupštine sindikata uputi informacija o reprezentativnosti sindikata u BHRT-u.

E.Čengić je izvjestio da je kontaktiran od strane S.Smakovića da je uređena oglasna ploča za sindikat, što je D.Smital tražio od menadžmenta obzirom da se na ploču sindikata postavlja sve i svašta.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital